

**Oratio anniversaria in theatro Collegii Regalis Medicorum Londinensium,  
ex Harvaei instituto habita die xviii Octobris A.D. mdcc xxxv / [Sir Edward  
Wilmot].**

### **Contributors**

Wilmot, Edward, Sir, 1693-1786.  
Royal College of Physicians of London.  
Harveii Instituto.

### **Publication/Creation**

Londini : W. Bowyer, 1735.

### **Persistent URL**

<https://wellcomecollection.org/works/m5nuzw66>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>





54983/B

WILMOT, SW E.







ORATIO ANNIVERSARIA  
IN  
THEATRO  
COLLEGII REGALIS  
Medicorum *Londinensium*,  
EX

HARVÆI Instituto  
HABITA

Die xviii. Octobris A. D. MDCCXXXV.



LONDINI,  
Impensis GUL. BOWYER. MDCCXXXV.  
(Pret. 1 s.)



ORATIO ALEXANDRI


IN

THEATRUM

COLLEGIUM REGIUM

Medicorum Londinensium

W. R. W. & J. B. W.



LONDON

Printed by J. B. W. & J. B. W.

(1851)

ORNATISSIMO VIRO

*T H O M Æ P E L L E T*

PRÆSIDI DIGNISSIMO,

SOCIISQUE DOCTISSIMIS

HANC

O R A T I O N E M

Illorum jussu editam

D. D. D.

EDVARDUS WILMOT.



ORNATISSIMO VIRO

THOMAE PELLER

PRESIDI DIGNISSIMO

SOCIISQUE DOCTISSIMIS

HANC

ORATIONEM

Illorum Jussu editam

D.D.D.

EDVARDUS WILMOT





# ORATIO

## HARVÆANA.

**P**ARUM abest, quin diem illis dicam, qui ante me ex hisce Rostris verba fecerunt, non quia urit eorum Gloria, sed quia prægravat Posteror: non quòd suæ Existimationi præclarè consuluerunt, sed quòd nostræ offecerunt: Quem enim locum, non tactum, non ornatum, non exhaustum reliquerunt? Repetundarum sanè postulandi sunt, quòd nudam & spoliatam Provinciam mihi tradiderunt, quòd, quicquid in hâc causâ aut usui aut ornameto esse possit, præriperunt, & pro suo vendicarunt. Splendidum proculdubiò peccatum! At videte, Viri Ornatissimi, ne vestro exemplo duram ni-



mis sanxisse legem videamini, ut nemo posthac vel Medicus esse existimetur, nisi & Oratorem summum esse constet; ut nemini in suâ Arte fides habeatur, nisi omni aliâ & Arte & Scientiâ itidem polleat. Ut ut erit, lætus in Concionem prodeo, modò memineritis, me non spontè & ambitiosè in hoc, quicquid est, operis irruisse, sed jussum adesse; non ad famam aucupandam, sed grati animi indicia editurum.

Non frænum audit, neque cohiberi potest Oratio, quo minus præproperè evolet, & in HARVÆI nomen sese ante tempus effundat, qui annum hoc munus hîc loci posuit. Prærogativam enim quandam laudis sibi vindicare videatur, qui, ut aliis sua tribueretur laus, gratus sancivit; & Prædicationis primas is jure sortiatur, qui, ut esset omnino Prædictio, instituto & stipendio cavit. Quàm sapiente & pio Consilio hoc fecerit, cui non in confessio est? Quid enim honestius, quàm ut, qui benefecerint, benè etiam audirent? Quid æquius, quàm ut, quibus plurimas habeas gratias, iis cumulatas agas? Quid sanctius, quàm Majorum famam conservare? Quid utilius, quàm Posterorum existimationi prospicere; quàm ex Patrum commemoratione filiorum virtutes elicere, & laudando quos decet, ne defuturi sint unquam, quos laudare possis, providere? Stimulat gloria; exemplis miro modo accendimur; neque illustres viros propius intueri possumus, quin ipsi erigamur, altiores fieri & eorum Ordini appropinquare videamur. Dum igitur ex lege HARVÆANA & egregii Præsidis jussu hoc

munus



munus repeto, ne cui molestus sim, nisi qui exigui aut invidi animi fuerit, ne minus vobis gratus & acceptus veniam, non est verendum. Quid enim? vestra res agitur; Antecessorum præconiis, vestris viam præstruitis: Speratis, nec vanâ spes est, easdem apud Posterios laudes, quas ante vos natis quotannis læti renovatis: Eadem quæ hodie solenni more fit, vos expectat Commemoratio; nisi quòd eo amplior fuerit, quo vos digniores de quibus dicatur, eo ornatior, quo instructior is, qui de vobis dicturus fit. Absit verò, procul absit, ut eximios, de quibus hodierno die agitur, viros, puerili quodam famæ studio delinitos, tam præclaram suam operam navâsse existimemus: Si quis in animum induxerit, eos tantos exantlâsse labores, tot beneficiis Humanum genus devinxisse, eo tantum consilio, ut levi Oratoris munere quolibet in Circulum redeunte anno perfricarentur; næ ille magnificè satis de suâ perorandi arte, quantacunque demum ea sit, existimare videatur. Non quidem profectò eam indolem spirant tam splendida in suam ætatem & feros usque nepotes merita, quæ Illi solummodò homines juvandi studio, bonis omnibus cum Diis ipsis communi, referre par est. Benefaciendi nimirum voluptate perfusi, & nescio quo virtutis amore concitati, abrepti Præstantissimi illi viri, qui rem nostram posuerunt, auxerunt; ut laudem mereantur, id sibi negotii datum crediderunt; ut tribueretur, aliorum Pietati reliquerunt; sequentem se in æternum Gloriam læti conspexerunt; ut nunquam assequeretur, fecisse satis habuerunt.



DIGNISSIMUS est, qui ex hoc insigni Choro nomine evocetur & agmen ducat, Medicinæ apud nos Instaurator, Conditor, Commemorationis hodiernæ principium & fons: Cui debemus, quòd hìc loci convenimus, quòd hunc lætum diem agere, quòd intra hos parietes spectatissimorum virorum, qui vixerunt imagines, qui vivunt ora, intueri, venerari licet. An felicitatis, an laudis loco ponendum sit, nescio, eam inter ipsas literas & LINACRUM nostrum intercessisse necessitudinem, ut, hoc nato, illæ itidem renascerentur, & ortum suum aut illi deberent, aut cum illo communem haberent, Quippe per multa retrò secula, quicquid scientiæ erat, vel è terrâ nostrâ inhonestè aufugerat, vel in Monachorum claustris turpiter confenuerat, ignorantia putidissimi gregis obscurum. Dolebat magni animi vir literarum vicem: de Græcis actum erat, Latinarum Majestas læsa. Urebat ante alia, ut Deum colendi, ita nec homines juvandi sanam extare rationem, ipsamque salutis artem Medicam manum expectare, nec tamen esse qui admoveret. Fœdam rerum faciem vidit, horruit; sed qui in melius refingeret vidit, præter se, neminem; dignum sanè qui eruditum seculum inveniret; vel, quod non invenisset, faceret: Puduit eum Patriæ: Valedixit, nunquam rediturus, nisi Medicinalem saltem Artem, sicubi terrarum delitescebat, in lucem extraheret, sicubi exulabat, secum postliminiò reduceret. Ipsos scientiæ fontes protinus adiisset, nisi jamdiu exaruiscent illi fontes, nec superstitēs essent *sacri*, quos inspicere,

Libri\*.



Libri\*, Alexandriae dulces moras traxisset, donec locupletem illam Medicinæ supellectilem excussisset, reportasset: Sed, pro dolor! flammis cesserat Regia illa Bibliotheca: Saraceno occubuerant literæ furori, qui cum scientiis ipsis bella horrenda gessit, easque tantum non ad internecionem delevit: Asclepiadum scholas frustra in Græciâ ipsâ quærebat, libertate exutâ, artibus spoliatâ, quæ, solum mutare coactæ, in terras alio sole calentes gradum corripuere. Certior tandem factus, Reliquias Medicinæ, ut olim Trojæ, è suis Achivis elapsas, per varios casus & tot rerum discrimina Latium pervenisse, illuc commeavit, & Doctissimorum Virorum qui huc undique confluxerant consuetudine familiariter usus, id in rebus acumen, in linguis elegantiam, in utrisque famam acquisivit, ut redux in sapientissimi Regis notitiam protinus deveniret, unusque ex omnibus dignus haberetur, cui Regni spes ARTHURUS, Princeps Juventutis, Marcellus noster committeretur.

CUM in tam lautâ re esset, nihil antiquius habuit, quàm ut Medicina, cujus erat, ut doctissimus, ita amantissimus, non in deteriori loco poneretur. Parum se profecisse existimabat, imo abuti, quâ apud duos Reges pollebat, gratiâ, nisi eam in Artis suæ comoda converteret; nisi Medicinæ nitorem, opes, æternitatem conciliaret; nec omnino vixisse, si sibi solum

\* *ἱερά βιβλία* erat Libri titulus, in quo regulæ erant præscriptæ, juxta quas Medici apud antiquiores Ægyptios ægrotantes curare tenebantur. Vid. Diod. Sic.

viveret,



viveret, videbatur. Quid profuit de Græcis scholis toties legisse, Italicas invisisse, si non in Patriâ exurgeret schola, æmula, victrix, quæ tempore quidem sequeretur, dignitate utraque præcederet. Opprobrio erat, Medicinam foris caput extulisse, Academiis foveri; domi egenam, obscuram, circumforaneam, empiricam, scientiæ, splendoris expertem esse. Dolori erat grassari indies morbos, omniumque teterrimum Nebulones istos, Medicorum nomen e mentitos, Carnificum dignos, qui ficariorum more, in quos inciderent Homines, impunè jugulabant: Effrœnatam nocendi licentiam cohibendam, saluberrimæ disciplinæ gloriam quovis pretio redimendam censuit: Quod tum demum mfore intellexit, si, ut Palladium delapsum Troja, Caput effossum Roma, quædam Imperii pignora habuerant; ita hæc Civitatum amplissima Artium Reginam haberet, quæ in Arce collocata, Bibliothecis instructa, fociis Disciplinis cincta, jura sua promeret, & Urbis fata feliciter distineret.

Ex votis cessit, quod præclarè excogitaverat. Doctissimi undique conquisiti sunt viri, qui invictissimi Principis Auspiciis, LINACRI ductu, societatem conflarent, ut onus, quod singuli ferendo non essent, junctis viribus sustentarent; ut Conjunctionem quandam pro salute civium inirent, & ne quid Respublica detrimenti caperet, in perpetuum caverent.

POSITIS, bonis avibus, Collegii nostri fundamentis, qui posuit auxit, privilegiis ornavit, lege munivit. Ut  
Comitiis



Comitiis agendis locus, se vivo, suppeteret, Ædium suarum copiam fecit; ut mortuo etiam, eas testamento legavit. Ne Præsidis sedi Honos deesset, ipse multos annos tenuit; ne fociis Libri Medici, ipse optimè conscripfit; ne Romanæ linguæ Dignitas, regulas *de emendatâ sermonis structurâ* tradidit, quas facundo suo exemplo confirmavit. Ut Pomœrium Collegii quodammodo proferret, & nova soboles, in hujus societatis Honores olim adsciscenda, ex Academiis semper accresceret, Prælectiones, Oxonii duas, Cantabrigiæ unam instituit, honestisque stipendiis cavit, ut essent qui Hippocratem elucidarent, & Juventuti Medicinæ studiosæ Prophylacticam ejus partem, utpotè utilissimam, ex Galeno depromerent: Quanti enim cunque Pretii sit, mederi posse morbis, antevertere autem, & ut ne omnino sint efficere, majoris esse jure videatur.

SALVE, Vir omni laude digne, supra omnem posite, qui tum demum benefaciendi finem facere statuisti, cum non alios videres, quibus porro benefaceres: Quam scientiam non salutasti? Quas literas non avidè hausisti? Non modo tuas, sed nostras fecisti, tui seculi Decus, Posteris exemplum? Benè sanè de Rege, de Patriâ, de Academiis, de humano genere meritus es, de nostrâ certè Arte & re optimè; multis Amicus, nobis Amicissimus. Cum, tuâ ope, Regiâ Majestate præfulgeat Album nostrum, & splendidissimis nominibus, ut Ignibus Cælum, hinc inde micet, ut nullum tuo charius sit, præclarè effecisti. Salve iterum, & vale, ut aliis commemorandis suis non de-  
fit



fit locus: Vale, dixi? Vellem non dictum. Aliorum Commemoratio tua itidem est. Tuum est, quicquid benè vel invenerint, vel fecerint, & eorum laudes proferre nihil aliud est, quàm tuarum telam per-  
texere.

TE igitur excipit CAIUS, eruditus, benevolus, eximius, & ut, quod summum est, verbo complectar, Tui simillimus Vir. Tuis vestigiis institit, ad tuum exemplar se totum composuit. Peregrè Tu ivisti? & ille ivit. In Patriam literas advexisti? si quæ reliquæ erant, advexit. Par utrique Ingenium, una Indoles, similis studiorum & vitæ ratio, idem apud illustrissimos Principes favor, eadem erga Nos benevolentia. Quod Tu faciendum reliqueras, Ille fecit; quod addendum, addidit. Conditor noster fuisset, nisi illam Tu Gloriam occupavisses: Ita geminus, ut Idem ferè videatur, nisi quòd Tu primus, ille secundus; ita tamen à te secundus, ut Tu major sis quod illum successorem habueris, ille, quòd Tu præcesseris. Nascentem hanc Rempublicam, tanquam hæreditatio jure sibi traditam, moribus ornavit, autoritate sustinuit, statutis emendavit, Insignibus Gentilitiis decoravit, Cæremoniis augustam reddidit. Annales Collegii quâ elegantia, eâ fidelitate, Latinè condidit, digessit: Aliorum facta ab oblivione vindicavit, sua nunquam obliviscenda adjunxit.

VOLUPTATI est Nos hæc accepta referre, ut eruditissimo, ita etiam clarissimo Viro, cujus talis erat  
existi-



matio, ut nomen ejus, non tantum aliis præluceret, sed etiam splendore suo absorberet. Inde fit ut, quod apud Cantabrigienses post Gonviliū Collegium posuit, CAII solummodo titulum præ se ferre gestiat; eodem planè modo, quo Castoris olim Ædes audiebat, quæ Deorum pari ex æquo dicata fuerat. Medicinæ certè primas tenuit: Regiæ salutis ad mortem usque ex officio invigilavit: Et in ea conjectus Tempora, quibus Morbus ille Epidemicus, ex sudore nomen mutuum habens, grassabatur, Unus erat, ad quem languida confugeret Respublica, Unus, qui moribundam restituit: Non ipso Hippocrate minor, qui Atheniensem illam Pestem profligasse dicitur; eo certè felicior, quòd Patriam servavit. Neque silentio premendum est, hoc ei adeo in Honorem cecidisse, ut inter sacra Oracula Ephemera ejus locum haberet, & in Ecclesiis ex Edicto publicè legeretur.

TALI Auctore, tanto Adjutore surrexit res nostra: Indies crevit, novos Patronos naçta; Eosque (quod de Romæ septem Regibus dictum est) “*quâdam fatorum industriâ, tam varios indole, ut Reipublicæ nostræ ratio & utilitas postulabat*”. Multa erant in usum Humanum & Artis famam adhuc inveniendâ, in Collegii splendorem adhuc desiderata: Accurrerunt æmulo quasi ingenio & munificentia, qui invenirent, darent. Throno suo, & pro Temporum ratione satis augusto, infidebat Medicina; at nondum aderant Sociæ Disciplinæ, Administræ Artes; deerat antiquissima ejus pars, quæ manu curat, donec Chirurgicam Cathedram CADWALDUS, Elizabethæ Regi-



næ Medicus, nobilissimo LUMLEIO in auxilium & gloriæ consortium advocato, solerter posuit. Medici apprimè interesse meritò putabat, ut vulnerum naturam scienter calleret, quæ alius, ut Artifex, tractaret.

AT externa curandi vulnera rationem tenere, GULSTONO nostro parum fuit, nisi &, quæ intra hominem latuerunt, penitus essent evoluta. Conjecturarum nullum modum, nullum finem vidit, nisi oculata fides aliquo pacto extaret. Ferro tentandam esse viam censuit; & ne Morborum in obscuro positæ Causæ, nos aut sæpius fallerent, aut dubios torquerent, Mortuorum Corpora in hoc Theatro quotannis incidenda, scrutanda procuravit, & Pathologicam lectionem liberaliter instituit.

QUANTI vero Nominis & Pretii sit hæc apud vos collocata Cathedra, dicat, qui mox implevit, magnus naturæ interpretes HARVÆUS. — HARVÆUS, qui de Arteriarum Pulsu diu sollicitus, & causam ejus eruere millies aggressus, millies elusus, tandem, (quod magnis illis viris solenne est, quorum omnia ad certum aliquem scopum collimant experimenta) desideratissimum illud Arcanum, sanguinis Circuitum, seculorum quæ antecesserant opprobrium, sui decus, extudit, vidit; novum Artis nostræ fundamentum posuit, & omni medendi rationi ansam præbuit. Tum demum, serò licet, intellectum est, Vitam nihil aliud esse quàm sanguinis fluxum in orbem actum; quod ille non motum læderet, morbum; quod sisteret, mortem afferre. Ille hominum primus purpureum, ignotum



notum illud æquor impigrè intravit, curiosè perlustravit, feliciter circumivit, de Patriâ, de Humano genere nihil non meritus. Philosophorum Pater, qui Propositionem ad Vitæ usum pertinentem, sacrificio dignam judicavit; quot mille sacris benè emptum esse existimasset, quid ipsa Vita sit, quid Animalium generatio, invenisse, dixisse? Re palam factâ, obstupuerunt omnes: Primò non credere, laceßere; dein invidere, sibi arripere; postremo mirari, venerari: Agant pro suo arbitrio Homines: Quicquid agunt, nolint, velint, tuæ, Præstantissime Vir, laudi inserviunt. Hypothesin tuam falsi infimulant? Ad examen revocas, experimentis firmas, demonstras. Inventum aliis apponunt? At Tuum esse invictis argumentis probas, & ut ne sit postea de Inventore dubitandi locus, facis. Alii ex statuis seu æreis, five marmoreis, sed brevi interituris, vanâ & umbratili Immortalitatis specie se lætare satagant; Tu in tuis scriptis mori nesciis, veram & optimam invenies. Viget, & dum hominibus profunt medendi Artes, & sanguis eundo redeundo suum in circulum iter repetit, vigebit tua Gloria: Imo nostra; cum Tu noster fueris, & omnia, quæ tua sunt, nobiscum communicare volueris. Cœnaculum & Museum tuis impensis extructa, Bibliothecam tuis Libris auctam, ipsa Artis tuæ Instrumenta, tuâ liberalitate suppeditata habemus: Tibi menstruum, tibi annum hoc Convivium debemus: Et ne quid impediret quò minus te in nos totum effunderes, tuum ex assè Patrimonium, te vivo, vidente, donante, hilari, Epulis tuis accumbente, raro Exemplo accepimus.



UTILISSIMARUM rerum Inventores primi homines in Deos evexere; quod nimium tribuerent, superstitioni forsan; nos, si minus quam oportet tribuamus, ingrati jure videamur. Magnum sonat, & nescio quid ingenii, industriæ & felicitatis præ se fert, de tramite fortiter deflectere, nova salutis inire consilia, de tuo promere quod in usum apprimè sit, & hominibus prodesse eo quo non alii modo ante profuerunt. Tales erant, LOWERUS, qui Cordis (quod dolis suis Medicos non minus quam Theologos luserat) fabricam & Muscularem vim clarè explicuit: WHARTONUS, qui humorum officinas in Oculis & Ore & Cute, lachrymarum, salivæ, sudoris origines, mirâ sagacitate aperuit: GLISSONUS, Anatomicorum sui temporis facilè Princeps, qui Jecori vera sua officia assignavit, & Bilem splendidam, Ingenii fomitem, separare constituit: WILLISIUS, qui Cerebri structuram accuratè retexit, & Nervorum fila, sentiendi & motûs instrumenta, in omnes Corporis partes ab ortu suo deduxit. Hi sunt, qui intra unius Seculi & Gentis Limites nati, earum rerum inventarum gloriâ effulgent, quarum unaquæque, quicquid ubivis terrarum unquam excogitatum fuerit, æquat, quæ autem omnes simul sumptæ, magno intervallo etiam superant. Nescio quo fato, aëris Temperie, vel Temporum Genio fit, ut clarissimi Viri aut simul existere, aut alius alium quàm proximè sequi, ament; & cum illæ Mundi Ætates sterilitate quâdam laborent, hæ Ingeniorum messe lætæ exuberent. HARVÆANO hæc illustria Nomina juxtâ adponenda esse censui, propterea



terea quod inter ea confortii aliquid esse videatur, quædam Inventorum series, Gloriæ communio. Natura scilicet, Immortalis illius Viri armis expugnata, victa, deprensa (quasi post arcem captam nihil amplius esset quod celare & defendere aut posset, aut vellet,) è latebris exivit, & se totam in conspectum pudibunda dedit.

HIS MAYERNIUS, Inventoris itidem titulo superbiens, adnumerari jure possit; Urbis transmarinæ quidem Civis natus, sed noster factus, Regum nostrorum Archiater constitutus, & in Collegii hujus sodalitium adscitus; dignus certè ob unicum *Calomelanos* inventum, quem nobis vindicaremus; quàm dignus qui in Commemorationis hodiernæ partem vocetur, Vos probè novistis, quibus in comperto habetur, qualia Morborum Monstra, Herculeo hoc remedio quotidie domantur: Imo quòd diræ illi labi, quæ ipsum Leporum fontem, heu! nimium frequenter inquinat, in alio Medicaminis genere, vix tutum sit præsidium.

FAMÆ vestræ dispendium esset, nobilissimum DURNOVARÆ *Marchionem* silentio præterire, qui se satis ad Gloriam vixisse non existimavit, nisi & Medici nomen suis Titulis infereret, nisi in societatem vestram cooptatus, famâ eam augeret, libris locupletaret; officiis fungeretur, & aditum ad vos futuris Patriciis, præclaro exemplo aperiret, honestaret.

NON de Di's solum, sed Deabus etiam suis Medicis gloriatur fabulosa Antiquitas. Illustres apud alias Gentes



Gentes Fœminas Artem salutarem exercuisse prisci Annales tradiderunt; Illustrissimas apud nos benefecisse, nostri narrare gestiunt. Ne quid pulchri vobis desit, **MARIAM & ARABELLAM STUARTIADAS** inter vestræ rei Auctores; nequid Generosi, **NOBILISSIMOS PERISCELIDIS EQUITES**, inter socios vestros numeratis.

**INTERPELLANDIS** verò gaudiis vestris paulisper locus sit, neque vitio vertatis, me candidum hunc diem funestare, & inter Triumphos clades etiam recensere. Damna vestra æquo animo ferenda, audienda sunt, ut Ejus, qui refarcivit, nomen audiat, & in æternum colatis. Ea ferè est rerum humanarum fors, ut varias formas induant, vices subeant, & quasi in proclivi sitæ, externis causis impulsæ, suâ mole actæ, descendant, & ad interitum properent: Neque satis est eas semel optimis Auspiciis posuisse, nisi & adsit, qui labentes sustineat, imminutas augeat, pessum datas instauret. Hanc **HAMÆI** nostri Gloriam esse facilè intelligitis; qui, cum Conditoris nomen alius præripuisset, illi proximum occupavit, & nos labefactatos in integrum restituit. Iniqua illa tempora animo recolatis, infausta, fœda, omni crimine, omni injuriâ inquinata, cum nec Divinæ, nec Regiæ Majestatis ratio habita est, cum nihil sanctum, nihil tutum, nihil intemeratum relinquebatur: In ea incidit tempora, nec temerè incidit, magni animi Vir, nostræ rei bono natus, quæ, quod publicæ saluti superstes esse nollet, simul cum illâ fato tantum non occumbebat. Sub hastâ positas, (horresco referens!) has **Ædes** & pretio addictas Amicissimus **HA-**



MÆUS vidit, nec tulit; pretium solvit, redemptas reddidit. Medicinam de folio deturbatam, bonis exutam, foras projectam, ære alieno obrutam, manu levavit, in sede suâ placidè reposuit. Vix respirandi, vix gratiis agendis locus est datus, cum novarum occasio exoriebatur. Invieta illa flamma, seu Cœlis delapsa, seu ab Inferis petita, quæ per amplissimam hanc urbem grassata, neque profanis, neque sacris ædibus pepercit, has etiam, heu! frustra redemptas, solo æquavit. Advolavit HAMÆUS, ex aliis corrogavit, de suo addidit, quod iis de integro extruendis sufficeret; eoque effecit, ut Londinensium Civium Nomina, inter Reges, Regiamque sobolem, illustrissimorum Doctissimorumque Virorum Titulos, insignem locum in Tabulis nostris sortiantur. Nec ædificâsse HAMÆO satis fuit, nisi & ornaret, nisi Conviviorum locum, ad sui animi speciem, id est, magnificè instrueret: Imo ut, quæ in alios contulerit beneficia, ad nos etiam pertinere doceret, Nosocomiorum Medicis ampla stipendia assignavit, ea lege, si è nobis eligerentur, vel nostro saltem suffragio digni judicarentur: E Prædiis tandem, quæ lauta & situ proxima erant, nobis moriens legavit.

VIR tot nominibus charus, & tanta de re nostrâ meritis, quem prius sibi apponi mallet, quàm SYDENHAMUM, de arte nostrâ optimè meritum? dignum sane, si quis alius, qui nostræ Gentis Hippocrates appelletur, utpote qui (uti de illo Medicinæ Antistite, si bene memini, dictum est,) "*Naturam sequendo eidem imperavit*". Morbos certe, quorum Historiam contexuit, tam solícite observavit, fideliter



deliter descripsit, benevolè communicavit, ut tantum à negligentia quantum à fraude, tantum à fraude, quantum ab invidia abhorruisse, & errandi locum nec sibi nec aliis reliquisse, videatur. Cum vero id solummodo sibi Gloriæ fore, si quid aliis beneficio cederet, existimaret, an melior ipse Medicus an Vir fuerit, inter dubia reliquit. Præclarè sanè cum Medicinâ actum esset, si Omnes, magni hujus Magistri vestigia prementes, eandem operam strenuè navassent, & missâ suâ quisque hypothesi, observando quàm fingendo vacare, prodesse quàm delectare, maluissent: Tardior eorum quidem gloria, sed diuturnior fuisset; minus sibi forsan placuissent, at alios mi<sup>r</sup>o modo juvassent. Verum enimvero, Judicio uti quàm Ingenio indulgere, quo difficilius eo rarius; adeo ut quanto magis hoc optandum, tanto minus sperandum sit.

ÆGRE ferret, honoris, qui sibi proprius est, expers RADCLIVUS, Oxoniæ suæ Decus & Invidia: Decus, quod æs ingens, tantâ suâ Laude, & Artis emolumento, ibi collocavit; Invidia, quod literis leviter salutatis, Ingenii vi solum innixus, eò felicitatis & famæ provectus est, ut, in seculo eruditorum Medicorum feraci, & mediâ celeberrimæ hujus Urbis frequentia, se solum Medicinæ sacris initiatum gloriaretur, & Doctos, Indoctos, Magnates, Plebem, (mirum dictu!) in sua verba jurare paratos aut haberet, aut faceret, Vir Magnificus, natus Medicus, non factus, observandi acer, dignoscendi solers, ad expediendum acutus. Usque adeo sese effert natus animi vigor, lumenque



menque omne, literarum studiis accensum, splendore suo superat penitus & præstringit.

Ad tempora vobis propiora, orationis filo deductus, venio; ut eorum manibus litem, quorum convictu diutius frui non licet. Duorum enim è nostris fociis ora, frustra sum, dum in hoc literato confessu quæro. Sed à questu temperate: Qui aliorum fata toties distulerunt, suis occubuere. Abierunt nimirum, & vitæ stadio feliciter emenso, è conspectu nostro se receperunt, ut, postquam ante se natorum laudibus piè inserviissent, suis tandem locum darent.

Ut denascendi tempore, ita & nomine prior veniat **RICHARDUS HALÆUS**, nec, quòd rusticius paulò defluat toga & ferocius introeat, minus vobis gratus, qui diurnâ consuetudine novistis, quàm bonus, quàm amicis concinnus fuerit. Dicendi nempe libertate, & vivendi ratione, ut simplex & optimæ fidei Vir existimaretur, virtute suâ, ut esset, comparavit. Græcis literis addictus, in nullis hospes, Homerum, utpote earum fontem, adeo in deliciis habebat, ut totum memoriâ retineret, pro re natâ festivè recitaret; imo, circuitûs **HARVEANI** vestigia Vir solers in eo colligeret. Nec erroris temerè postulandus est, quòd scientiarum artiumque omnium Patrem crederet; si quas enim in eo non inveniebat, de suo addebat, & cum dilectissimo vate benevolè communicabat. Cum nullam Medicinæ partem non probè calleret, eam, quæ Infanientes spectat, prosperè excoluit. Quot Re-

D

ges



ges Reginaſque de folio ſuo ſtramineo fortiter deturbavit, quos furore percitos lenivit, atra bile conſectos erexit, delirantes ad ſanam mentem reduxit, dicant annales Bethlehemetici, dicant illi hominum miſerrimi, quos patriæ, amicis, ſibi, feliciter reddidit. Ut literas ipſas, ita & literarum apud nos ſedes perditè deamabat; Academiae utriuſque & Collegii huius utroque Pollice eo uſque fautor, ut nihil ingenuum, nihil præclarum, nihil laude dignum, aliunde oriundum eſſe agnoſceret; nimio fortè ſtudio, ſed amabili, abreptus, quippe qui Patriæ ſtudebat. Pignus amoris, quo Artem noſtram & rem ſemper fovebat, quingentas libras in Medicæ huius Bibliothecæ augmentum, moriens reliquit.

AD clariffimum Virum JOHANNEM FREIND ordine accedo: Dignum certè quidem qui omnes laudandi opes exhauriat, atque ita commemorationi hodiernæ finem imponat. Ille hoc noſtrum munus claudat, qui uſque eò ornavit, ut futuris oratoribus injurius eſſe videretur, ſi non ſe prædicandum reliquiſſet. Vix enim è vitâ exceſſerat, cum omnes deſiderare, mirari, efferre inciperent, meliora optare, majora dicere, quàm quæ aliis unquam dum viverent, falſi ingenioſa, ſui ſtudioſa, dixit Adulatio. Gloria ſcilicet, quo minus in conſpectum Viri, laudis minimè appetentis, erumperet diu reſſa, in abſentem ſe totam effudit, & citis pennis aſſecuta, in Cælum ſuum protinus evehit. Tantæ famæ ſemina, in ſcholâ Weſtmonaſtientiſi, ſolo ingeniorum feraciſſimo, jacta, in immenſam



sam segetem excreverunt in Christi apud Oxonienses Æde, turritæ Deorum Parentis ad instar, fœcundâ maximorum Virorum matre; ubi pro suo & loci genio humaniores omnes literas excoluit eximius Vir, recto cultu fortissimum pectus roboravit, & quantum præclara indoles doctrinam, doctrina vim promovet infinitam, feliciter ostendit. Quàm Græcè, quàm Latinè sciret, testis sit Hippocrates suus, quem ad exemplaria Græca acutè emendavit, Commentariis Latinis nitidissime illustravit. Quas ei habeat gratias sexus ille, quem circum Jocus volat & Cupido, dicat liber in ejus usum, eâ quâ decuit elegantia, concinnatus. Ad philosophiæ penetralia adiisse adstipuletur Chemia, cujus labores examini subjecit, omnesque cum NEWTONIANIS, id est, Naturæ Legibus, composuit, conciliavit. Variolarum Theoria, si Experientiæ Fides accederet, auro contrà pretiosa, Ingenii argumentum; quod Ingenio illi non sæpius indulgeret, Judicii jure habeatur. Quàm rebus gestis fide eruendis, dilucidè, ornatè narrandis, si huic muneri vacasset, aptus esset, ea, quam patrio sermone continuavit Historia, palam fecit. Quàm in omni demum Literarum genere exercitatus, fidem faciunt quæ scriptis, factis edidit specimina, iis tantum minora, quorum ipse spem indies accendebat.

TANTA de uno aliquo viro prædicari, magnum quidem est; majus autem, quod de tali viro prædicantur, qui nihil suum esse duxit, quod aliis beneficio esse posset. Si quid eximii, si quid reconditi habuit, (quid autem utriusque non habuit?) non



solitaria famâ contentus, in apertum liberè protulit. Scivit egregiè? ut alii itidem scirent, operam sedulò dabat. Medicinæ peritus fuit? ut alii etiam essent, studio flagrabat. Gloriam attigit? si aliorum accenderet, lucro apponebat, alienæ inserviens, suæ profusus. Secundùm Divini Senis effatum, \* *ideo Artem suam quamplurimum amans, quia Hominum amantissimus*. In malam rem abire jubebat, qui nescio quod Arcanum superbè venditabant; si non haberent, falsos, si celarent, invidos; utroque nomine aut neglectui aut odio habendos. Id nimirum Patriæ, id suo & Artis commodo inserviturum esse putabat, si alios sui similes inveniret, vel, quoad posset, faceret: Et ut essent, omnia sua cum illis communicabat, præceptis instituebat, exemplo præibat. Imperitiam Medico non opprobrio solum, sed crimini vertere solebat; & Mortuo nihil interesse, seu ignorantia seu fraude periret, benevolè dictitabat. Principibus placuisse viris non ultima ejus laus est; maxima verò & displicuisse, cum ex illorum re esset: Magni enim animi Vir, spe & metu major, nec lucri, nec famæ studio cessit, quid alii sentirent minimè sollicitus, dummodo sibi recti conscius foret, quo eruditior eo fortior illis apud Celsum Medicis, † “ *qui in splendida Personâ periclitari conjecturâ suâ noluerunt, ne occidisse, nisi servassent, viderentur.*” Cum autem CAROLINÆ, perspicacissimæ omnium REGINÆ, non nomine solum tenus Medicus fuerit, quâ fide sanctissi-

\* Ἦν δὲ παρὰ φιλοανθρωπίης, πάρεσι καὶ φιλεσχίης. Hippocrat.

† Celsus in præf. lib. I.



mæ ejus salutis invigilavit, quâ felicitate conservavit, dicat illa, quâ apud eam valuit, Gratia. Academiae suæ Decus, utriusque deliciae, utramque maximi aestimavit, & in perpetuum amoris testimonium, eam reliquit legem, quâ, ferente illo, jubentibus vobis, cautum est, ne hujus loci sedes, nisi Academicarum nostrarum filiis, in futurum pateat.

CUM legendis, condendis libris incumberet, & quotidianis muneris sui officiis occuparetur, nec suæ, nec alienæ mille curæ circa Caput salientes, impedimento erant, quo minus Rempublicam capefferet, auspiciato die Regni senatum intravit Vir ad omnia natus, & sedem suam dignitate implevit, eloquentiâ ornavit. Medicinam prosperè fecerat, scriptis illustraverat, famâ auxerat; deerat in laudis cumulum, ut periclitanti opem ferret, in discrimen adductam eriperet. Nec in Morâ res fuit; hanc etiam merendi partem oblatam avidè arripuit, fortiter explevit: Collegii hujus jura, avita, sanctissima, Regum dona, erant qui in jus vocabant, imminutum ibant: Accurrit, dixit, propugnavit literarum fautor, artium patronus: Argumentis, autoritate, gratiâ, suâ & Artis felicitate, omnes in unam sententiam discedentes habuit, & Privilegia nostra, non tantum facta tecta servavit, sed confirmata, ampliata reddidit. Stetit Reipublicæ nostræ fortuna, illibata, integra, splendida, Præstigiatorum Opprobrium; quod oppugnata fuerat, illustrior; quod infidiis petita, munitior; quod à malevolis odio habita, bonis omnibus charior.

EJUSDEM



EJUSDEM Viri, ejusdem animi erat, rem nostram foris defendere, & intra hos Parietes sedulo curare. Eo consilio, (ut meminisse juvat!) comitiis, exercitiis nostris lætus adfuit; imò ut essent, quibus adesse posset, gratiâ suâ comparavit. Cum enim, nescio quo malo fato, hæc in defuetudinem abiissent, vestram opem implorabat, suam pollicebatur, per vosmetipsos, per Majores vestros, per Amicitiam, per Gloriam orabat, ut in integrum restituerentur, ut huc commeandi locus foret, ut vestrâ consuetudine uteretur, suæ facultatem præberet; ut convivia honesta, colloquia dulcia instaurarentur; ut in conspectum mutuum venire, ut audire, ut dicere, quæ in Artis commodum, Literarum incrementum, Collegii honorem, bonum publicum cederent, denuo liceret. Annuistis voto, idem enim vobis & illi morum candor, eadem studiorum ratio, animi magnitudo: Voto annuistis; ne illius, ne Majorum Labor effusus esset omnis: Voto annuistis; similes enim similibus gaudent, fruuntur, & ad meliora mutuo commercio & exemplo finguntur. Sordes, solitudinem ex hoc loco præclarè depulistis; nitorem, frequentiam restitulistis. In dilectissimi Viri sententiam cupidè ivistis; novistis enim, quàm non leve esset quod promittebat, cum sui copiam familiariter faceret. Qualis in inimicitiâ erat, dicant, si quos habuit, Inimici: In Amicitia qualis, illorum solummodo est dicere, qui sunt experti; qui subsecivis ejus horis aderant, cum à negotiis recederet, Genio indulgeret, amicis vacaret; cum Pectus illud generoso



neroso incoctum honesto recluderet, utile dulci misceret, & omne punctum ferret, non amans magis quàm amatus, non amatus magis quàm amabilis. O præstantissimum, beatissimum virum! cui ex parvis rebus, æquè ac è maximis, accrescit decus; cujus inter minimas laudes ponendum est, quod supra alios sciret. Suâ, id est, amplissimâ fruatur famâ, qui nullius laceffivit, nullius non auctiorem optavit, fecit. Felicitatis loco habeo, quod votum tandem implevi; quod sacro nomini hoc debitum munus persolvi, quod de ingente ejus Gloriâ pauculos decerpisse flores, & vobis obtulisse contigit: Juvaret sanè hîc loci consistere, novas dicendi Causasnectere, & Charo Viro diutius immorari, nunquam dimittere. Ægrè à dulcissimo amplexu divellor: Recedendum verò est, invito licèt, ne limites sibi appositos transfiliat oratio, ne importunus, Loci, Temporis, Officii, immemor esse videar, & in Clarissimi viri famam, minuendo, ulterius peccem.

Vix autem ab eo discessisse viderer, si ad vos accedere, & variis eximiis vestris laudibus me immiscere liceret: Si ad PRÆSTANTISSIMOS VIROS, omni ingenuâ Arte, Eruditione, Doctrinâ, excultos, politos, transire fas esset; ILLUM, qui Præsidis munus per multos annos sustinuit, ornavit, auxit, & Gloriæ tandem satur, deposuit; HUNC, qui sustinet, ornat, nullâ non famâ & spe impertit. Sed Religio est, dicendi Magistris olim illustranda, tenuitate meâ temerare, & mihi ipsi placere, si vobis molestus sim. Ve-

tat



tat loci consuetudo, revocant Majorum Instituta,  
 Commemorationis Lex, è conspectu nostro sublatis  
 sacræ. Vestrum est maximas res præstare, nostrum  
 videre, mirari; aliorum erit cum dignitate dicere,  
 cum voluptate audire. Interea tamen loci, quod be-  
 nè vertat! pergite, ut facitis, ornatissimi Viri, mag-  
 na edere, majora promittere, Artis vestræ honori im-  
 pigrè studere, Civium saluti prosperè invigilare, vitæ  
 & Gloriæ circulum feliciter implere. Serò illustrissi-  
 mis Viris adnumerari vobis contingat, qui, quicquid  
 illi aut erant, aut sperarent, estis. Diu vos expectent  
 virtutis præmia, ut quo diutius dilata, eo pleniora  
 redeant. Prædicationi omnibus numeris absolutæ  
 tum demum locus erit, cum agendi vobis non ampli-  
 us fuerit; cum emeriti, evocati, Vitâ defuncti eritis,  
 (favete linguis!) cum Immortales esse incipietis, Ora-  
 tionum, quoties illuxerit hic festus dies, materies læ-  
 ta, copiosa, splendida, invidenda quidem, sed aliis  
 relinquenda.

















